

YAXSHILAR HECH QACHON O`LISHMAYDILAR, ULAR SHUNCHAKI UZOQ SAFARGA KETISHADI...

Quvondiqov Olimjon Xolboyevich

Nazarova Malohat Zayniddinovna

TATU SF TT-21-04-guruh talabasi

«Quvondiqov Olimjon Xolboyevich» xotiralariga bag`ishlanadi

Anatatsiya: Men bugungi maqolamda shuni ma`lum qilamanki, otalar hech qachon bizni tark etishmaydi...Ular olis safarga chiqishadi va bizni olislardan kuzatishadi... Ular doim yonimizda bo`lishadi, biz faqat ularni ko`ra olmasligimiz mumkin ammo his etamiz...

Kalit so`zlar : Ota , mehr , qushlar...

Ota ... uchta harf ammo tariflasak jumlar o'z bo`lgan shaxs hisoblanadi. Sen uchun hamma narsaga tayyor, seni istaklaringni o`zinikidan ham avzal biladigan yagona inson hisoblanadi. Ushalmaydigan orzularingni amalga oshiradigan, imkonsiz narsalarga imkon topadigan. Seni orzularingni deya o`zini orzularidan kechadigan hayotingda qayta hech qachon takrorlanmaydigan yagona inson.

Qiz bola uchun, ota hayotida birinchi va yagona muhabbati bo`ladi. Ota vafot etgandan keyin eng qiyin uning qizlariga bo`ladi. Oilada qiz farzand otasiga , o`g`il farzand onasiga mehribon bo`ladi, hatto hech kimga aytolmagan sirlarini otasi bilan sirlashadi. Nohaqlik bo`lib turgan vaziyatda ham yagona ota qizining tarafini oladi. Hech kim hal qilolmagan muammolarni birgina inson hal qiladi... O`sha insoning nomi “DADA” hisoblanadi... Shunday insonlardan biri , bugun oramizda yo`q.

Quvondiqov Olimjon Xolboyevich 1971- yil 18-oktabrda Samarqand viloyati Jomboy tumanida, ziyolilar oilasida tavallud topgan. 1979-1989- yillarda “ Qori Niyoziy” nomidagi umumiy o`rta ta`lim maktabida tahsil olgan. 1992- yilda Samarqand Davlat Universiteti “ Geografiya” fakultetiga o`qishga kiradi. O`z sohasining bilimli o`quvchilari safida tahsil oladi. O`z sohasiga qiziqishi sababli , “ Geografiya” fani bo`yicha ishda qoladi , ko`p yillar davomida kasbiga muhabbat bilan ishlar olib boradi,

ustoz juda ko'p shogirtlar yetishtiradi. Olimjon domla ilmiy pedagogik faoliyati davomida 1 ta o'quv qo'llanma, 3 ta o'quv uslubiy ko'rsatma va 60 dan ortiq ilmiy maqolalarning muallifi hisoblanadi. 2000- yildan boshlab 2024- yilgacha minglab o'quvchilarga tahsil berib. Nafaqat ustoz balki yo'l yoritguvchi chiroq ham bo'lganlar. 2019-2024- yillarda Geografiya fakultetining Ma'naviy va ma'rifiy ishlar bo'yicha dekan o'rinbosari lavozimida ishlaganlar. Uzoq vaqt qiynab kelayotgan kasallik ohiri domlani yengdi va 2024-yil 8-may kuni 52 yoshda domlani oramizdan beshavqat o'lim oramizdan olib ketdi. Ma'lumotlarga qaraganda ularning janozasiga mingga yaqin insonlar kelgan, ko'chalarga insonlar sig'mas darajda bo'lgan. Shu xolatdan ham bilsak bo'ladiki, Olloh Nazari tushgan inson ekanliklarini .

3 farzandning otasi, mehribon umr yo'ldosh, 1 nafar nevaraning suyukli bobojonisi endi oramizda yo'q . Olimjon Quvondiqov o'chmas iz qoldirdilar. Kam umr ko'rgan bo'lsa ham umrimiz oxirigacha yetadigan saboqlar berib ketdi. Nafaqat universitetda balki mahallada ham namunali insonlardan edilar. Hozirda kichik qizlari otasining yo'lidan ya'ni ta'lim sohasidan ketmoqda. Qizlariga ulkan zafarlar tilaymiz va ishonamizki otalari yurgan izlardan yurishlariga va otalarini nomlarini yana ham yuksaklarga kotarib , ulug'lashlariga...

"Mening bir parchamsiz, davomim mening."

Mendan keyin qolgan yodgorim qizim,

Ko'zim qorasisan, qalbimning nuri.

Afsus aytolmadim, bil pariy yuzim,

Sensan otang toji, uning g'ururi.

Ozodim, toychog'im, vorisim o'g'lim.

Oila boshisan endi men o'tib.

Onangga qanot bo'l, taskindir ruhim,

Ehtiyot qil Dilim qo'lidan tutib.

Dilimiz orosi, to'ng'ichim o'zing,

Muhammadim Nurin qilgin ehtiyot.

Sensan sevgimizning ilk nishonasi,
Yorug' baxt oldingda, sinov bu hayot.

Dilim meni kechir, ketdim bexosdan,
Xotiralar bilan qoldirdim, gulim.
Qora ko'zlarimiz endi shu ondan,
Ollohim va Senga qildim omonat.

Men doim yashayman har biringizda,
Amal-u, duo-yu, so'zlaringizda.
Shodon kulgu, nurli ko'zlaringizda,
Mening bir parchamsiz, davomim mening.

Otalar huddiki qushlarga o`xshashadi, tinim bilmay uylariga narsa olib kelishadi. Hayitlarda bizlarga qandlar ko`tarib keladigan, ishdan qaytishda siz istagan hamma narsani olib keladigan tanho inson. Qanchalar qayg`uga tushishsa ham uyiga, oilasiga bildirmaydigan matonat egasi. O`zining ayyomini nishonlamasa ham sening ayyomingni katta qilib nishonlaydigan inson. Ota – bu qahramon, u o`z oilasi uchun hech qanday qiyinchilikdan qo`rqmaydigan va har doim eng mustahkam qalqon bo`lib turadi. O`zi qay xolda bo`lsa ham senga beminnat yelka tutadigan yagona inson. Kimdir seni xafa qilsa, hammadan birinchi seni oldinga shoshadigan inson. Sen kelin bo`lib ketayotganingda hamma ko`p yig`laydigan, ko`z yoshlarini bekitish uchun hech kim yo`q joylarda pinhona yig`laydigan inson. To`y bo`lib ketganingdan keyin , uyga kelaman desang sen uchun bozorga shoshadigan, sen yoqtirgan hamma narsani olib kelib “ Bugun qizim keladi, u yoqtirgan hamma narsani tayyorlanglar” deya , eshikdan sen kelishingni intiqib kutadigan, hayotingni ularsiz tasavvur qilomaydigan inson. Sen tug`ilganingda, elga osh berib, hammdan ko`p quvongan inson...

Ota kim o`zi?- ota haqida kunlarni tunlarga ulab gaprsak ham vaqt yetmaydigan shaxs. Bugun hurmatga sazavor domla, ta`lim va geografiya faniga chuqur hissasini qo`shgan, oila boshi, mahalla faollaridan biri bo`lgan ma`rifatli OTA oramizda yo`q...

To`g`ri onam meni juda yaxshi ko`radilar , shubhasiz onamni ham men juda yaxshi ko`raman. Onam uchun men borimni beraman... Ammo ayni vaqtda men otamni qattiq sog`indim !

Quvondiqov Olimjon Xolboyevichning oilalariga va yaqinlariga chuqur taziya bildirib qolamiz. Domla bizning qalbimizda mangu yashaydilar.

